

(სსიპ) იაკობ გოგებაშვილის სახელობის თელავის სახელმწიფო  
უნივერსიტეტი



აგრარულ მეცნიერებათა ფაკულტეტის კვლევითი ლაბორატორიის

**დ ე ბ უ ლ ე ბ ა**

დამტკიცებულია წარმომადგენლობითი საბჭოს სხდომაზე:

ოქმი N7, 8.10.2020

წარმომადგენლობითი საბჭოს სპიკერი:  პროფესორი მ. ღარიბაშვილი

თელავი

2020

## მუხლი 1. ზოგადი დებულებანი

1. წინამდებარე დებულება განსაზღვრავს საჯარო სამართლის იურიდიული პირის - იაკობ გოგებაშვილის სახელობის თელავის სახელმწიფო უნივერსიტეტის აგრარულ მეცნიერებათა ფაკულტეტის კვლევითი ლაბორატორიის ფუნქციებსა და საქმიანობის წესს.
2. ლაბორატორია არის აგრარულ მეცნიერებათა ფაკულტეტის სამეცნიერო-კვლევითი დამხმარე სტრუქტურული ერთეული.
3. ლაბორატორია საქმიანობისას ხელმძღვანელობს უნივერსიტეტის წესდებით, ფაკულტეტის დებულებითა და წინამდებარე დებულებით.
4. ლაბორატორიის საქმიანობას კოორდინაციას უწევს და ხელმძღვანელობს სოფლის მეურნეობის და ქიმიის დეპარტამენტი.
5. ლაბორატორია განთავსებულია შემდეგ მისამართზე: თელავი, ქართული უნივერსიტეტის ქ.№1, თესაუ, აგრარულმეცნიერებათა ფაკულტეტი, პირველი კორპუსი, პირველი სართული.

## მუხლი 2. ლაბორატორიის უფლებამოსილებები და ფუნქციები

### 1. ლაბორატორია უფლებამოსილია:

- ა) განახორციელოს სამეცნიერო-კვლევითი სამუშაოები ტექნოლოგიის მიმართულებით. უზრუნველყოს დოქტორანტთა და მკვლევართა ჩართულობა ქიმიური ანალიზების განხორციელების პროცესში, უზრუნველყოს ლაბორატორიული სამუშაოების ჩატარებისათვის უსაფრთხო გარემო.
- ბ) ლაბორატორიაში წარმოდგენილი აპარატურის საშუალებით განსაზღვროს ყურძნის წვენში სურნელოვანი თვისების მქონე სხვადასხვა კლასის ნაერთის (ესტერები, ალდეჰიდები, კეტონები, ამინები,) რაოდენობრივი შემცველობა;
- გ) განახორციელოს არომატიზირებული ღვინის, ძმრისა და არყის ვიტამინური შემადგენლობის კვლევა;
- დ) მოახდინოს სხვადასხვა ტექნოლოგიით დამზადებული ღვინის ხარისხზე მოქმედი ზოგიერთი ორგანული მჟავის (ლიმონმჟავა, ღვინომჟავა, ვაშლმჟავა) რაოდენობრივი ცვლილების დინამიკის შესწავლა ყურძნის ტკბილიდან მზა პროდუქტამდე;
- ე) მოახდინოს სხვადასხვა ფუნქციური ჯგუფის შემცველი, კვებითი ღირებულების მქონე ორგანული ნაერთების იდენტიფიცირება დავარგების სხვადასხვა ეტაპზე;
- ე) მოახდინოს სოფლის მეურნეობაში გამოყენებული პესტიციდების ქიმიური შემადგენლობის იდენტიფიცირება;



## 2. ლაბორატორიის ფუნქციები:

- ა) სასურსათო ტექნოლოგიის მიმართულების დოქტორანტების კვლევითი სამუშაოს განხორციელება;
- ბ) აგრარულ მეცნიერებათა ფაკულტეტის სამაგისტრო პროგრამის სტუდენტებისათვის ლაბორატორიული, პრაქტიკული და კვლევითი (საკონფერენციო, სამაგისტრო ნაშრომები) სამუშაოების წარმართვა.
- გ) აგრარულ მეცნიერებათა ფაკულტეტის დოქტორანტებისათვის ლაბორატორიული, და კვლევითი (საკონფერენციო, სადოქტორო ნაშრომები) სამუშაოების წარმართვა.
- გ) ადგილობრივი და საერთაშორისო კვლევითი პროექტების განხორციელება;
- დ) აგრარულ მეცნიერებათა ფაკულტეტების აკადემიური პერსონალის მიერ კვლევითი სამუშაოების წარმართვა.

## მუხლი 3. ლაბორატორიის პერსონალი

1. ლაბორატორიაში ლაბორატორიული და პრაქტიკული სამუშაოების ჩატარების დროს პროფესორს დახმარებას უწევს ლაბორატორიის სპეციალისტი (ლაბორანტი).
2. ლაბორატორიის (ლაბორანტს) სპეციალისტს ევალება:
  - ა) მატერიალური პასუხისმგებლობა ლაბორატორიული ქონებისათვის;
  - ბ) ლაბორატორიაში დადგენილი სასწავლო რეჟიმის უზრუნველყოფა;
  - გ) ლაბორატორიული მუშაობის დროს უსაფრთხოების წესების დაცვა;
  - დ) ლაბორატორიული მეცადინეობებისათვის წინასწარ სათანადო აპარატურის და მასალის მომზადება ცდებისა და ანალიზების ჩასატარებლად;
  - ე) პროფესორ-მასწავლებელთა და სტუდენტებისათვის დახმარება ლაბორატორიული სამუშაოს მიმდინარეობისას;
  - ე) დეპარტამენტის სამეცნიერო-კვლევით მუშაობაში მონაწილეობა.
  - ვ) უნივერსიტეტის შინაგანაწესის მოთხოვნების დაცვა.
3. ლაბორატორიის (ლაბორანტს) სპეციალისტს დეკანის წარდგინებით და რექტორთან შეთანხმებით თანამდებობაზე ნიშნავს ადმინისტრაციის ხელმძღვანელი.



მუხლი 4. ლაბორატორიის ქონება


ლაბორატორიის ქონება შედგება:

ა) დასახული მიზნებისა და დაკისრებული ფუნქციების განსახორციელებლად უნივერსიტეტის მიერ შეძენილი ქონებისაგან (ინვენტარი, აპარატურა, ჭურჭელი);

მუხლი 5. დებულებაში ცვლილებებისა და დამატებების შეტანის წესი

დებულებაში ცვლილებებისა და დამატებების შეტანა შეიძლება განხორციელდეს აუცილებლობიდან გამომდინარე, უნივერსიტეტის მართვის ორგანოების ან აგრარულ მეცნიერებათა ფაკულტეტის საბჭოს ინიციატივით, უნივერსიტეტის წარმომადგენლობითი საბჭოს გადაწყვეტილებით.

წარმომადგენლობითი საბჭოს სპიკერი:



/მანანა დარიბაშვილი/